

程

東坡續集卷第六

書簡

與楊元素二首

陳主簿人還領手教伏承比日台候萬福深慰馳仰
人物豐盛池館清麗足供蕭詠之樂數日來人皆云
公移徐州雖未是實語然理當如此惟汲汲行復遷
擢矣某本欲秋間往見而汝州之行度不可免見臨
裝舟行自洛陽出陸百八十里至汝雖繚繞迢回然
久困資用殆盡决不能陸行耳無緣詣別惟望順時
為國自重



又
城南有亞父塚然非也塚在居巢城北有劉子政墓
昔欲為起一祠堂以水大不果公若有餘力為成之
亦佳城西有楚元王墓曾出獵至其下石佛山亦佳
觀

與胡道士

昨日起離中途逆風吹往北岸幾染魚腹知之二詩
錄寄到後幸一兩字附遞至他州貴知達玉芝善守
護無為有力者所取餘惟保養

與人

久不奉書疊承枉教字慰感良深比日起居住勝汝
郡務簡儒師清閑於此相從豈非甚幸區區非而莫
究令兄不敢別狀乞道懇

與佛印禪師二首

專人來辱書累幅勞問倍至感怍不已臘雪應時山
中苦寒法體清康一水之隔無礙躬詣道場少聞警
寂但深馳仰

又

夢想高風忽復披奉欣慰可知但累日煩擾為愧耳
重承人船相送益用感怍別來法體何如後會不遠

萬萬保線

又

事人未復善長分得奉讀慰喜且審比日法體安穩
幸甚幸甚今聞秀老赴召為衆望公來長蘆如何如
何某才義質劉氏曰成否未可知須臾留數日携家
入山快矣陽子之戚亦不復經營惟感覺老憂愛之
深也夫區已去知之

又

又下奉書
之氣錄速枉手教且審比日動止佳勝
又

趣也新詩不蒙錄示數篇何也貧固詩人之常處落
目昏當是為雙荷某所困未可專咎詩也某髮少加
白耳餘如故未緣往見萬萬自愛

又

僕已買田陽羨當告聖主哀憐餘生許於此安置幸
而許者遂築室於荆溪之上而老矣僕當閉戶不出
必當扁舟過我也醉甚不成字不罪見滕公且告為
早未送相子來揚州

又

又放江湖不見偉人昨在金山滕元發以為扁舟破巨

浪來相見出船驚然使人神奪好箇沒興底張鎬相
公見時且為致意別後酒狂甚長進也老杜云張公
一生江海客身長九尺鬚眉蒼謂張鎬也蕭嵩薦之
云用之則為帝王師不用則窮谷一病叟耳

又

今日舟中無他事十指如懸槌適有人致嘉酒遂獨
飲一盃醺然徑醉念賈處士貧甚無以慰其意乃為
作怪石古木一紙每遇飢時輒以開看還能飽人否
若與興有好事者能為君月致米三石酒三斗終若
之世者便以贈之不爾者可令雙荷葉收掌須添了

長以付之也

與千之姪

必強姪近在泗州得書喜知安無以房者手孫各無恙
神賦又不利老叔甚失望然慎勿動心志務積學
已人苟知道無適而不可初不計得失也聞姪故書
還鄉信否叔舟行幾一年近於隕矣賞得少田意欲
老而尋養乞居常見却報已許文宇必在南都此行
及到彼葬却老姪二姨好由註二十來日却乘舟
還陽羨姪能來南都一相見否甚欲一往見實正
自惟罪廢之餘動輒累人故不與爾其有欲與姪言

者非百不虛想不憚數舍之遠也寒暖不恆惟萬萬
自要

與潘彥明

別來思念不去心遠想起居住安春夢各無恙不見
黃榜未敢馳賀想必高捷也某兩曾奉書遲否屢奉
東坡笑話覺後惘然也已買得宜興一小莊且乞履
彼遂為常人矣公必已赴省試蒙發此書不復關
懷萬保愛

與周元明

承知家牛舟過境上腹想不忘遠人惠書具知所

安穩感慰無集咫尺無由往見萬萬自愛

又

石橋之壞每為悵然吾師經營非不堅盡當由窮蹇
之人所向無成累此橋耶知尚未有涯但勿廢此志
歲豐人紓會噲成耳僕已得請居常州暫至南京即
還南也知之

又

中前經過幸聞清論深欲還日甬上謁以數相知約
在栖賢且自德安徑赴之遂成食言懷息不已此日
法體何如拙詩一首聊以記一時之事耳不須示人

坊祝坊祝

又

久復一見甚以為慰泥雨遠煩瓶錫不克款語但有
感愧乍遠千萬保愛

又

近過南都見一多政太保張公公以所藏禪月羅漢十
六軸見授云表老無復玩好而私家畜畫像之香燈
供養可擇名畫高法施之今吾師遠來相別豈此羅
漢契緣在彼子敬以奉贈亦太保公之本意也

答定國三首

尊惠書并新詩妙曲大慰所懷河凍膝舟咫尺千里
意思牢落可知得此佳作終日喜快滯悶水滸幸甚
近在常置一小莊子歲可得百石似可足食非不知
揚州之美窮法以投林不暇擇木也承欲一相見固鄙
懷至願但不加彼此省事之為愈也

又

禦瘴之術惟此然練氣一事本自衰晚當然初不為
瘴而作也其法坦然無疑鷄猪魚蒜遇著便喫生老
病死符到奉仁此法差似簡徑也君嘗嘗云定國瘴
煙窟裏五年云如紅玉不知道能如此否老人知道

則不如爾頑愚即迫之先帝升遐天下所共哀慕而
不肖與公蒙恩尤深固宜作挽詞少陳萬一然有所
不敢者耳必深察此意無杖罪廢棄欲置之死而先
帝獨哀之而今而後誰復出我於清壑者歸耕沒齒
而已矣

又

近絕少過臨空負客知其衰懶不能與人為輕重見顧
者漸少殊覺一日幸昨日偶見子華嗟嘆老弟之遠外
蒙囑聞過必相告吾弟大節過人而小事亦不經意
正如作詩高句可以追配古人而失處亦受嗤於拙

曰薄俗正好點檢人小疵不可不留意也

荅靈鷲遵老二首

前日壁間一見新偈便向泥土上識君今日復蒙古
藤奇句益知前言之不妄也然既傳之諸祖何不自
家畱使既已倒持輒當逆化呵呵

又

疊辱手教且審法體佳勝扇子妙句開發良多本欲
攀和恐久立大衆呵呵

荅楊元素赴登州

專人至辱長牋為脫禮意兩過契故不淺乃爾見疎

悚息悚息比日起君何如登州謝章未上不敢致啓
事近所傳益非實也未由合併千萬順時保愛人還
適在瓜洲道中裁謝不如禮

與楊康功

兩日大風孤舟掀舞雪浪中但闔戶擁衾瞑目塊坐
耳揚次公惠法醞一器小酌徑醉醉中與公作得醉
道士石詩托楚守寄去一笑某有三兒其次者于六
歲矣頗知作詩今日忽吟淮口遇風一篇粗有可觀
戲為和之并以奉呈子由過彼可出示之令一笑也

答姚秀才三首

過蔡首辱垂訪到官之枉教字皆未克陳謝又煩專
使惠問動辱如此可見生感愧比日起居何如寄示詩
編石剎良為珍玩以見好事之深篤也溽暑未解萬
萬以時保練

又

近專人還奉書必達入秋差涼體中佳否咫尺披奉
無由尚冀保練慰此相念

又

昨惠及十字荷雅意之厚法書固人所共好而某方
欲省緣除長物舊有者猶欲去之又况復收邪謹附

封納不訝

荅王慶原二首登州還朝

近辱書笈寄新詩伏讀感慰不已為多事未及結社
不審比來尊體何如貴眷各均安某凡百如昨夢想
歸路如接人之不忘也溽暑向隆萬乞以時保重

又

令子兩先輩必大富學術非久騰蹕矣五五哥五七
哥六六郎臨行冗迫不果拜書因見道意登州下
臨張海院簾之下天不相連蓬萊三山彷彿可見春
夏間常見海市狀如烟雲為樓觀人物之象數日前

偶見之有一詩錄口王為笑也史三儒長老近蒙書允
中未及荅因見乞道區區海市詩可轉呈也京師有
韓乞示下

荅潘彦明二首

行役無定久不奉書至登州領所惠書承起居佳勝
甚慰思企到郡席不暖復蒙詔追勉強奔走愧歎不
已緬懷舊遊殆不勝情承太夫人尊候如昨昌言令
兄亦蒙惠書冗甚未及荅凡伸意毅甫與宗公願各
為政區區餘惟萬萬自重

又

少事奉聞吳待制謫居於彼想不免牢落望諸君一
往見之諸事與照管某向者流落非諸君相伴何以
度日雪堂如要偃息且與打撲相伴使忘遷謫之意
亦諸君風義也不罪不罪

與子安兄二首

拜遣十八年，終未有省侍之期。歲行盡，但有懷仰。即
日履茲寒，疑尊體康勝。姪男女各長成，東塋每煩照
管感涕，不可言。某到不旬日，又有起居舍人之命，方
力辭免。年歲間當請一鄉郡歸去，漸謀返省耳。未即
瞻奉，萬乞以恃自重。

子由亦有司，想不久到京東。瑩艾松甚煩，
管如更合三，與楊五哥哥略往觀。當分明點數，
根槎交付，細戶免致。便偷斫也，不然與出榜立賞。
召人告偷斫者亦佳，一切告留意相度。阿膠半斤，
蘇餅青州貢棗五斤，充信而已。京師有幹乞示及。

與潘彥明四首

辱書喜承起居佳勝，眷聚各佳。某老病還朝，不為久
計，已乞郡矣。何時扁舟還鄉，一過舊樓，溷亂故人。旬
日而去，言之悵然大熱千萬保愛。

久不聞問之增渴仰忽領手字方知丈文傾逝聞之
悲怛不可言比日追慕之餘孝履且支持否某衰病
懷歸夢想江上又聞耆舊凋喪可勝悽惋未白往慰
惟冀節哀自重以畢後事

東坡甚煩葺治乳媪墳亦蒙留意感戴不可言令子
各計安寶况想見頽然矣郭興宗舊疾必全平愈酒
亦果如意否韓氏園亭曾與葺乎若果有亭榭佳者
可以小圖示及當為作名寫牌然非華事者則不足

名也張醫博計安勝一場災患且喜無事風顛不少
城否何親必安竹園復增葺否以上諸人各為再三
申意僕暫出苟祿耳終不久客塵間東坡不可令荒
蕪終當作主與諸君遊如昔日也願徧致此意

近附黃兵書必達比日孝履何如劉全父未頗聞動
止殊慰想念京塵袞袞無佳思編懷昔遊張惘而已
昌言及諸故人皆未及書必察其少暇伸意伸意作
道千萬節哀自重

久不奉狀愧仰增積即日遠想起居住勝叔文脫履
語紳放懷田里絕人遠矣某罪廢流落今復強顏周
行有愧而心若聖恩憐其老鈍年歲間乞與一鄉鄰
歸信杖屨復講昔日江上攜壺藉草之樂只是不得
我神相送先發遣酒壺歸瑞草橋於義儉矣記得否
呵呵何幸知之未間惟望厚自願養以享無疆之壽

又

遠沐寄示老手高風詠歎不已甚欲和謝公私紛紛
少暇竟未果悚悚七八兩秀才各計安為學想日益
早舊場屋慰親意也知宅醞甚奇日與蔡子華楊君
兼會每念此即致仕之興愈濃也示論文畫酒後
信子豈能復佳寄一扇一小軸去作笑耳

杏佛印禪師

經年不聞法音徑術荒蕪無與鋤治忽領手教累幅
稍覺洒然仍審比來起居佳勝行役二年水陸萬里
近方弛擔老病不復往日而都下人事十倍於外呀
可畏也復欲如去年相對溪上聞八萬四千偈豈可
得哉南望山門臨書懷斷苦寒為來自重

與王文甫

多時不奉書忌仰不去心此日履絃酷暑體中佳勝

數日以伏暑下府初安乏力而階二丈速行路奉此
數字殊不盡意西山詩一册嘗今能文之士多在其
間并拙詩親寫與鄧聖求詩同納上或能為入石安
溪亦佳不然寫放壁中可也

與運判應之

多日不接奉渴仰殊深大熱伏想起居住勝承旦夕
啓行無緣往別御里何幸被蒙豈弟之政但賢者遠
去有識所歎也衝犯酷暑千萬自愛

與范子功二首

關歲久書問不繼自咎之深殆無所容伏惟感德

和度有以容之比日竊計鎮誦之暇台候萬福某蒙
虎祖遺駿逸過分倚負無補惟雅眷有以教督之乃
幸奏熟伏冀順時為國自重

又

久疎上問愧仰增劇承軒旆將至起居佳勝欣慰不
已暫還舊席即濟柄用與議所屬小子得少託餘庇
尤為厚幸區區即遂面究

與知縣十首

紛冗久疎上問辱書感愧比日履茲春溫起居何如
未由展奉徒深渴仰尚冀保練以慰區區

又
近屢辱書數裁謝但苦冗中不盡意耳比日起居何
知惠笋已拜賜新奇之味速能分惠感愧無已

又

頻示謨感服勤卷乍暄伏計尊體佳勝前去當入府
果尔否

又

近者墨辱臨訪紛冗中不盡所懷枉手教具審起居
佳勝感慰兼集何日復入城得少款聚未間萬萬自重

又

近者回教感慰深矣比日復茲伏暑起居清勝咫尺
莫由會遇引頌米塵庶幾少盡區區未間萬萬自重

又

人未辱手教承比日起居住勝思企高義未緣款奉
臨思悵惘示諭書醉公石固佳但日昏罷倦每書過
百十字輒意闌恐旦夕開暇耳毒熱萬萬以時自重

又

近日雖獲一再見終不盡區區辱書告別又不即裁
答何量愧悚宿昔稍涼起居勝常景物漸嘉邑事多
暇想有以為樂此外萬萬自重

又
屢辱手教感慰兼集邑事清簡起居勝常小兒蒙不
卸外荷德殊深矣未由接奉千萬以時自重

又
兒子遂獲託庇知幸魯鈍多不及事惟痛與督勵也
切祝切祝晉卿相見殿門外惘然如夢中人也人世
何者非夢耶亦不是多談但喜其容貌蔚然如故非
有過人能如是耶

又
昨日辱示佳篇詞韻高絕非此句無以發揚醉公也

與王慶源三首

又不上狀愧仰增積即日進居多暇尊體勝常某進
職杜桑皆出葵花自頃流落江湖日欲還鄉追陪杖
屨為江路藉草之遊夢想見之今日國恩深重憂負
殊大報塞愈難退居何日西望旆帳殆不勝懷想故
文與丈人及諸姪歲時相遇樂不可名雖清貧難堪
烹煎波之餘必及鴈原應不甚寂寞也歲晚苦寒失
乞保重

又
近奉慰既必達比日專體何如某與幼弱凡百相違

人生惡業過眼如夢幻不足追惟以時自娛為上策
也其名位過分日負憂責難得福中遂鄉平生之願
足矣幸公千萬保愛得為江邊揚臺壽草之遊樂如
之何

向要紅帶今寄一麻去却是小兒子輩聞翁要此願
盡功白雷釘造不知稱尊意否拙詩一首并黃素二
君皆當今以詩文名世者各賦一首寫作黃素經一
卷並托孫子發宣德寄上京師有所須但請示及

春劉貢父

爾冷起尾住否二三所納上

與人二首

奉教伏承尊體慶勝某以拘文不克造請初不知報
惠今聞已安愈甚慰馳仰然猶加保愛也

又

這關忽復周歲思仰日深衝涉薄冷起居消勝即養
瞻奉下情欣舉區區併述面盡

與張正己

待采訪別悞企良深晴寒起居佳勝寶月書信并念
二題一書煩後者附行不訝不訝正寒衝冒千萬加

愛

答李方叔

承示新文如子駁行狀半容為狀甚可貴也有文如此何憂不達相知之久當與朋友共之至於富貴則有命矣非綿力所能必致也務安貧守道使志業益老自當有獲鄙言拙直以乃信尔照察幸甚

答毛滂

再辱示手教伏審酷熱起居清勝見論某何敢當檢恩之當不爾非足下相期之遠某安得聞此言感愧深矣體中微不佳亦答草草

於江湖之人久留禁下如在樊籠豈復佳思也人情負重百端而衰病不能應副動是罪戾故人知我相復見憐耶後會未可期臨書悵惘禪理氣術比來如進否世間閑身事待有此耳願更着鞭區區之擣也

與范蜀公六首

日望旌旆之至不敢復上問不謂高懷超然不屑世故堅卧莫致有識悵惘然孤風凜然足以下激頽靡雖非赫赫可指之功其於二聖忠厚之治所補多矣此日履茲寒凝台候何以采白瞻奉伏冀萬萬為國自重

其碌碌無補久竊非
又
手之地公議未暇豈
或得過謁少聞誨語
晃然猶當強到闕一見
然士大夫甚高此舉
也元中不盡區區

伏承歸政得請恩禮
又
信天下而有識今日
之望然復遂以安
復異伏惟慶慰公孤風亮節久
尤復歸心勉強暫起以慰二聖
其為之福出處之間雍容自得

為後世法
守所靡不獲躬請謹奉于
一

今晚忽得報承子
可言美不懿行期之
而况姻戚之厚悲境
憂慮伏惟高明痛以
為子孫親友自重不
勝悽悽

又
近者子豐携長子承
初見過見其風骨秀整聞向下

二子甚奇死生壽夭
常事惟有後可以少慰文文
意幸以此自遣

又
子功淳父皆欲謁袁自
現某恨不同往曉解左右
書樓陰

與楊元素二首

向馳賀緘及因李教授
但附問各已達否比日履茲
微涼台候何似某家底如
祖遣如聞公欲一謁元老果
否不若遂道盧阜况職也
口按行他日世事一復奉
談欲為此行豈可得哉餘唯
萬萬為人自重

又

某近數章請郡未分數日
來杜門待命期於必得耳
公必聞其畧蓋為真諫所
不容也昔之君子惟荆是
師今之君子惟温是隨所
隨不同其為隨一也老弟
與温相知至深始終無間
然多不隨耳致此煩言蓋
始於此然進退得喪齊之
久矣皆不足道老兄相知
之深恐願聞之不須為人
言也令子必得信計安

與張太保安道

某以不善俯仰屢致紛紛
想已聞其詳近者凡四請

郡杜門待命幾二十日文母英聖深然憐憫偽德音琅
然中外皆瞻幾至有所行遣而謂公變和之數日有
旨與言者數君皆以職明且皆當見蓋不敢兼司
嫌若復伸前請爾蒙知愛之深不敢不盡幸為察之
福淺多忤有愧教誨之素臨書悒悒

與李端伯一頁文三首

自附啓河朔尔後紛紛不獲繼問左右比日伏審鎮
撫之暇台候萬福器中本易治而或者擾之公既深
得民情而民亦素昭公政切想下車以來笑談無事
行春之樂無由託後乘陪賓客之末但深想望舍弟

猶宿殿廡未及奉狀

又

張君房助教陵非人治儒術已而為醫有過人者
請病通變而性極直士欲知之其寵祿過分碌碌無
補久以為愧近屢請却未獲若得掃墳墓遂得
望見豈勝厚幸但政成後召在旦暮尔冗中不
盡區區

又

邑子每求稔聞豈弟之政西南泰然不肯與受賜多
矣幸甚幸甚小姪千之初官得在麾下想蒙教誨成

就也曾拜聞看士程
堪誦者文詞氣節皆有可取不
知會請見否

答吳元鈞二首

適辱教值局中不即
以悚息悚息執道尊體惟安隆
曷嘗冒何不少待私心必亮此意非面莫盡香不飲
附去恐損其人之高即紛紛之議未聞其詳可否示
餘俟朝中可既

又

中間承進職雖少
盛人望然公當在廟堂此豈足寶
也此間語言紛紛比
木尤甚士大夫相顧避罪而已

何暇及中外利害
大計乎示諭但明
凶然而已非久季
常人行當盡區區

又

屢與令子語欽愛才美但尚屈太官未厭公論耳季
常近得書亦見黃州人言體氣頗安壯但口眼微動
耳來求藥物已寄去餘且令子口白

答史彥明主簿二首

別後冗懶相因不果上問愧企增劇遠辱書教感服
深矣比日起居何如衰病懷歸請郡未獲何時展奉
少道荒結歲晚厚愛少慰區區

又

新寧想未赴上前所欲教書至時可示諭也程懿林
去後旅思牢落聞已到郡矣寄惠秋石極感留意新
春龍鶴菜羹有味舉箸想復是憶耶

與千之姪

獨立不懼者惟司馬君實與叔兄弟耳萬事委命直
道而行縱以此竄逐所獲多矣因風寄書此外敦學
自愛近來史與學凋瘵去歲作試官問史傳中事無一
兩人詳者可讀史書為益不少也

與楊君素二首

奉別忽二十年思仰日深書問不繼每日以為愧比
日動止何似子姪十九兄弟遠來得聞尊體康健異
常不勝慶慰知騎驢出入步履如飛能登木自採荔
支此希世奇事也雖壽考自天亦是身心空閑自然得道
也某衰倦早白日夜懷歸會見之期想亦不遠更望
順時自重少慰區區因孫宣德歸附手啓上問

又

某去鄉二十一年里中尊宿零落殆盡惟公龜鶴不
老松栢益茂此大慶也無以表意輒送暖脚銅缶一
枚每夜熱湯注滿密塞其口仍以布單裹之可以遠

且不冷也道氣想不假與聊致區區之意而已今子
三七秀才及外甥十一郎各計安

與黃州故人

其寵祿過分憂責自重頹衰鬢禿不復江上形容也
屢乞郡未得但懷想曩游發於夢想也洗眼揩牙藥
得之幸甚切望掛意覆盆子必已採得望多寄也都
下有幹示及十二三兩先輩各致區區忙甚未及
書艾清臣亦然京師冗迫殊不款曲也

答龐安常二首

久不為問思企日深過辱存記遠枉書教具聞起居

佳勝感慰兼集惠示傷寒論真得古聖賢救人之意
豈獨為傳世不朽之資蓋已義貫幽明矣謹當為作
題首一篇寄去方苦多事故未能便付去人然亦不
久作也老倦甚矣秋初決當求去未知何日會見臨
書惘惘惟萬萬以時自愛

又

人生浮脆何者為可恃如君能著書傳後有幾念此
便當為作數百字仍欲送杭州開板也

答程懿叔

人來辱書喜知起居佳勝眷愛各萬福郡政清暇稍

有樂事處以無心強梗自服甚善甚善所望於吾弟也其凡百如昨但碎累各病醫人不離門勞費百端日有外補之興行先尚未到亦不聞遠近之耗未緣會合新春保練別膺殊渥

荅李芳叔三首

疊辱手教愧荷不已雪寒起居住佳勝示諭固識孝心深至然其從來不獨不作不書銘誌但緣子孫欲追述祖考而作者皆未嘗措手也近日與溫公作行狀書墓誌者獨以公嘗為先妣墓誌不可不報耳其他決不為所辭者衆矣不可獨應命想必獲罪左右然

公度其無他意意盡於此矣悚息悚息

又

承遂舉三十喪哀勞極矣此古人事復見於君恨不能廉助耳不易不易詳表於墓誌異名而同實固難如教不罪不罪其莫歸困甚來人又立行不復觀縷

又

某以虛名過實士大夫不察其真望逾涯朽鈍不能副某亦復致紛紛欲自致省靜寡過之地以餓餘年不知果得此願否故人見愛以德不應更虛華粉飾以重其不幸承示諭但有愧汗耳

與王定國

數日卧病在告不審起居佳否知今日會兩婿清虛
陰森正好劇飲坐無狂客冰玉相對得無少澹言否扶
病暫起見與子由簡大罵書尺往還正是擾人可惜
之物公乃以此為喜怒乎仙人王遠云得此書當復
劇口大罵之固應爾然而不可以徒罵也知公澹甚
往發一笑張十七必在坐幸仰意

與李端叔

辱書并示伯時所畫地蔵某本無此學安能知其所
得於古者為誰何但知其為軼妙而造神能於道于

之外探顛陸古意耳公與伯時想嘗觀我於度數
表故特相示耶有近評吳畫百十字軼封呈并畫
上

與李白時

辱手示及惠新醞感愧殊深即日起居佳勝洗玉池
銘更寫得小字一本比之大字者稍精請用陳伯備
之說更刻於石柱上為佳人還奉謝

與范純父

三辱示諭知意不務公休之觀人子之心也不肖之
辭夙昔之分也某已領其意而辭其物物有存量意

豈有窮哉日人已聘遠志璋庶幾此美

贈六辯才禪師三首

久不奉書此仰增深比日切惟法履佳休某忝冒過
分碌碌無補日望東南一郡庶幾臨老復聞法音尚
冀以時為益不自愛

八

某尚與兒丁竺僧名追於觀音前刺落權寄緇褐去
歲明堂恩已奏授承務郎謹與買反牒一道以贖此
子今附趙石責納取老師意刺人仍告於觀音
前畧祝願

又

某有少微額源至仰煩切料慈照必不允罪某與舍
弟某捨絹一匹奉為先君霸州文安縣主簿某贈
中大夫先妣武昌郡太君程氏造地歲菩薩一尊并
座及侍者二人菩薩身之大小如中形人所費盡以
此絹而已若少即省鏤刻之工可也乞為指揮選
匠便造造成不及專求便船迎取欲京師寺中供養
也煩勞神用一玩悚不已

與公浴室用公

去鄉久不復知聞知得來不及退翁書乃審公正信

法子而吾先右人史彦輔十三丈之甥也又承寄示正
信偈頌塔銘成心歎不可言比日法體勝常知長講起
信自講入禪如纜放船甚善甚善輒題數句塔銘後
以補關逸未即下相見千萬為法自重大雪後手凍不
復成字

與張元明二首

數日起居佳否有一詮祕大師者與之久故患荆後
腸滑甚因欲煩二往視療之可否在興國寺戒壇院
此一高行僧也便同作福田呵呵
又

數日起居佳勝適在院中得王郎商帖如此今封呈
切告輟忙一往他必不敢苛留且請周念副此人友
愛急難之心切望切望

與家復禮

前日辱訂以帳戀不已陰寒起居佳否送行詩別寫
得一本都蒙前日書者復納去遠道萬萬自重

對元忠三首杭州

身人辱書不具仲遠寄詩文讀之喜慰殆不可言喜
諫議公之有子也昨日雪寒起居佳否詩文皆大佳
然法曹君高製已佳也為之不已何所不至轉出一

詩為謝取笑取笑未由披奉千萬節自自重

聞愛弟領道子之之痛如何可言奈何奈何盛德之
後何乃止此言大然定非隨轉兩及千萬寬中自愛
而已無由面意臨紙哽塞

又

先公傳久欲作以官事來來未暇成當即寄去也所
要白雲居士字不知之下自謂耶抑為他人求也既
不識其人不欲便寫若乃是自謂則未願之下為
名號也必亮此言黃素素却寫一絕句納去不訝

程